

ACTA DA SESIÓN ORDINARIA REALIZADA POLA XUNTA DE GOBERNO LOCAL EN FUNCIÓNS O DÍA 30 DE MAIO DE 2023

PRESIDENTE:

O alcalde, D. Óscar A. García Patiño

ASISTENTES:

D. Juan González Leirós
D.^a Lúa Sanguñedo Álvarez
D. Miguel Ángel Gutiérrez Nieto
D. Daniel Mallo Castro
D.^a María Dolores Pan Lesta
D. Diego Alcantarilla Rei

NON ASISTE:

D.^a Elisa Pestonit Barreiros

SECRETARIA XERAL:

D.^a Pilar María Pastor Novo

No despacho de Alcaldía do Concello de Cambre (A Coruña), sendo as nove horas do día trinta de maio do ano dous mil vinte e tres, reúnese a Xunta de Goberno Local en funcións, en primeira convocatoria, co obxecto de celebrar sesión ordinaria baixo a Presidencia do Sr. alcalde D. Óscar A. García Patiño, e coa asistencia dos/as Sres./as concelleiros/as D. Juan González Leirós, D.^a Lúa Sanguñedo Álvarez, D. Miguel Ángel Gutiérrez Nieto, D. Daniel Mallo Castro, D.^a María Dolores Pan Lesta e D. Diego Alcantarilla Rei.

Non asiste á sesión a Sra. concelleira D.^a Elisa Pestonit Barreiros.

Actúa como secretaria a Sra. secretaria xeral do Concello, D.^a Pilar María Pastor Novo.

A Presidencia, tras comprobar nos termos expostos que se dá o quórum legalmente esixido polo artigo 133.1.b) do Regulamento orgánico municipal para a válida celebración das sesións, declara aberta a sesión, pasándose ao estudo e exame dos asuntos incluídos na orde do día da convocatoria.

1.- APROBACIÓN, SE PROCEDE, DO BORRADOR DA ACTA DA SESIÓN ORDINARIA DO DÍA 23 DE MAIO DE 2023

De conformidade co preceptuado nos artigos 108.2 e 133.4 do ROM, a Presidencia pregunta se existe algunha obxección ou observación á acta da sesión ordinaria celebrada en data 23 de maio de 2023, da que se entregou copia coa convocatoria desta sesión, e non producíndose ningunha, pola Presidencia sométese a votación ordinaria a súa aprobación, sendo aprobada por unanimidade dos/as Sres./as concelleiros/as asistentes á sesión.

Á vista do resultado da votación, declárase aprobada a acta da sesión ordinaria realizada en data 23 de maio de 2023.

2.- BOLETÍNS E CORRESPONDENCIA

De orde da Presidencia, a secretaria xeral dá conta aos asistentes á Xunta de Goberno Local da seguinte publicación:

- Real decreto 400/2023, de 29 de maio, de disolución do Congreso dos Deputados e do Senado e de convocatoria de eleccións. BOE núm. 128, do 30.05.2023.



CONCELLO DE
CAMBRE
R.E.L. 01150177

3.- INFORME DAS RESOLUCIÓNS DITADAS POLA ALCALDÍA E POLOS CONCELLEIROS DELEGADOS DE ÁREA DENDE A ANTERIOR XUNTA DE GOBERNO LOCAL

A Presidencia dá conta á Xunta de Goberno Local en funcións das resolucións da Alcaldía e concellerías delegadas de área ditadas dende o día 19 ao 25 de maio de de 2023, que comezan coa resolución da Alcaldía núm. 883/2023 e rematan coa resolución do concelleiro delegado da Área de Educación, Medio Ambiente, Mobilidade e Sanidade núm. 920/2023, segundo se relacionan a continuación:

Nº decreto	Data sinatura	Asunto
883/2023	19-05-2023	Convocatoria da sesión ordinaria da Xunta de Goberno Local do día 23 de maio de 2023
884/2023	19-05-2023	Aprobar a adhesión ao Programa SON de BARES de MdelMPM, en representación de GS, SL, para a realización dun evento na rúa exterior ao seu local Ribadín, segundo o plano que consta no expediente, o día 20/05/2023, con actuación musical de Cristina Cachaldora e unha pulpeira, en horario de 13:30 a 15:30 horas, por cumprir cos requisitos establecidos e segundo as condicións esixidas nas bases reguladoras do programa
885/2023	22-05-2023	Nomear a RCS, axente de protección civil interino, encadrado na escala de Administración especial, subescala servizos especiais, clase cometidos especiais, pertencente ao subgrupo de clasificación profesional "C2" e adscrito ao departamento de Protección Civil para a provisión do posto vacante de axente de protección civil tras a xubilación por incapacidade permanente de MRS, de conformidade co art. 23.2a) da Lei 2/2015 do emprego público de Galicia
886/2023	22-05-2023	Recoñecemento de obrigas correspondentes a facturas por importe total de 125.860,24 euros.
887/2023	22-05-2023	Denegar a axuda de emerxencia social para alimentación por ser o saldo medio de aforro superior ao establecido na ordenanza. Solicitante: MFS
888/2023	22-05-2023	Denegar a axuda de emerxencia social para alimentación por atoparse no período mínimo de 6 meses, unha vez esgotado o período máximo de concesión, onde non poden ser beneficiarios. Solicitante: IGM
889/2023	22-05-2023	Convocatoria da sesión ordinaria do Pleno municipal do día 25 de maio de 2023
890/2023	22-05-2023	Delegar na concelleira dona Mónica Varela Germade para que reciba o consentimento na celebración do matrimonio de LSR e DRF
891/2023	22-05-2023	Delegar na concelleira dona Mónica Varela Germade para que reciba o consentimento na celebración do matrimonio de POR e RRE
892/2023	23-05-2023	Denegar a axuda de emerxencia social para alimentación por atoparse no período de suspensión de 6 meses trar ser beneficiario 18 segundo o establecido na ordenanza. Solicitante: JAMB ERRONEO
893/2023	23-05-2023	De conformidade co artigo 1 da Orde do 21 de abril de 2023 da Consellería de Promoción do Emprego e Igualdade, no que se establece o obxecto e finalidade das bases reguladoras que rexerán,



CONCELLO DE
CAMBRE
R.E.L. 01150177

		en réxime de concorrencia competitiva, as axudas e subvencións para os obradoiros duais de emprego no ámbito da Comunidade Autónoma de Galicia para o ano 2023, concebidos como programas mixtos de emprego e formación que teñen como finalidade mellorar a ocupabilidade das persoas desempregadas, mediante a realización de obras ou prestación de servizos de interese xeral e social, solicitar unha subvención para poñer en marcha o proxecto de obradoiro dual de emprego "PROXEDIS SOCIO SanitarioEducativo" 2023/2024 (PROfesionais en XERiatría e DIScapacidade), para a contratación do alumnado traballador e o persoal técnico que realizarán os servizos de atención sociosanitaria a persoas dependentes en institucións sociais e intervención socioeducativa con persoas con discapacidade establecidos no proxecto.
894/2023	23-05-2023	Delegar a presidencia da Xunta de Goberno Local do día 23 de maio de 2023 no primeiro tenente de alcalde don Juan González Leirós
895/2023	23-05-2023	Aprobar a xustificación presentada polas persoas bolseiras do cumprimento da finalidade da subvención da bolsa concedida e recoñecer e liquidar obrigas polo importe que se sinala en concepto de bolsa de deportista 2021 así como o seu aboamento mediante transferencia bancaria, de conformidade co establecido na Base I.-xustificación e pagamento da convocatoria
896/2023	19-05-2023	Aprobar o padrón do prezo público por actividades educativas do 1º trimestre do curso escolar 2022-2023: meses de outubro, novembro e decembro de 2022, que comprende 12 recibos dun total de 12 persoas participantes e os importes correspondentes que deberán aboar por un importe total de 337,50 €, desde Agra Méndez, Sandra ata Vidal Dopazo, María s
897/2023	23-05-2023	Desestimar a solicitude presentada en data 1 de abril de 2022 por MDES -R.E núm. 202200000001140- ao fin de instar o recoñecemento de carácter ganancial da concesión de uso do panteón nº 55 do cemiterio municipal do Concello de Cambre outorgada a EDL, quedando expedita a vía xurisdiccional civil en exercicio da acción declarativa o de calquera outra que estime conveniente en defensa dos seus intereses respecto da dita concesión
898/2023	23-05-2023	Expedientes sancionadores de tráfico
899/2023	23-05-2023	Expedientes sancionadores de tráfico
900/2023	19-05-2023	Aprobar os padróns das taxas correspondentes ao exercicio 2023: - Taxa pola prestación de servizos no cemiterio municipal, por un importe total de 11.592,00 €, cun número de recibos de 512. - Taxa por entrada de vehículos a través das beirarrúas e as reservas de vía pública para aparcamento, carga e descarga de mercancías de calquera clase, por un importe total de 51.200,00 €, cun número de recibos de 201
901/2023	24-05-2023	Conceder a axuda de emerxencia social para recibo de luz por importe de 95,07 euros. Solicitante: ANMM
902/2023	24-05-2023	Conceder a axuda de emerxencia social para recibo de alugueiro por importe de 380 euros. Solicitante: MAVC



CONCELLO DE
CAMBRE
R.E.L. 01150177

903/2023	24-05-2023	Aprobar o padrón do prezo público por actividades educativas do 1º trimestre do curso escolar 2022-2023: meses de outubro, novembro e decembro de 2022, que comprende 12 recibos dun total de 12 persoas participantes e os importes correspondentes que deberán aboar por un importe total de 337,50 €
904/2023	24-05-2023	Aprobar os padróns das taxas correspondentes ao exercicio 2023: - Taxa pola prestación de servizos no cemiterio municipal, por un importe total de 11.592,00 €, cun número de recibos de 512. - Taxa por entrada de vehículos a través das beirarrúas e as reservas de vía pública para aparcamento, carga e descarga de mercancías de calquera clase, por un importe total de 51.200,00 €, cun número de recibos de 201
905/2023	24-05-2023	Declarar a JRN B responsable dunha infracción de carácter moi grave, consistente realización dunha talla na parcela sita no lugar de Fial, Pravio, provocando danos no camiño municipal 1C.1.0197; - unha infracción de carácter grave, consistente na realización dos ditos acopios, sen ter presentado a preceptiva comunicación previa
906/2023	24-05-2023	Devolver a fianza con núm. de rexistro 1028 depositada na Tesourería municipal por KAEB por importe de 1.800,00 €, como garantía da obriga de reparación das deterioracións que se puidesen producir nos camiños públicos con motivo da execución dunha talla de 115 eucaliptos e 30 piñeiros na finca sita no Souto, parroquia de Anceis, con referencia catastral: 15017A065001440000MI, comunicada no expediente núm. 2021/U026/000349.
907/2023	24-05-2023	Iniciar expediente de orde de execución a DP, S.A. para a roza da vexetación existente na finca sita no lugar de Drozo, Cambre, de acordo co disposto polos arts. 135 e 136 da Lei 2/2016, do 10 de febreiro do solo de Galicia, que obrigan aos propietarios de terreos, construcións, edificios e instalacións a conservalos nas condicións de seguridade, salubridade, accesibilidade universal e ornato legalmente exixibles, correspondendo ao Concello ordenar a execución das actuacións necesarias para dar debido cumprimento aos deberes sinalados
908/2023	24-05-2023	Aprobar a relación de 2 altas e 1 baixas para participar no Programa das escolas de actividade física e saúde ano 2023 no mes de maio
909/2023	24-05-2023	Conceder a axuda emerxencia social alimentación por un período máximo de 18 meses, condicionada ao cumprimento do proxecto. Solicitante: GACY
910/2023	24-05-2023	Conceder a axuda emerxencia social alimentación por un período máximo de 18 meses, condicionada ao cumprimento do proxecto. Solicitante: YBR
911/2023	24-05-2023	Denegar a axuda de emerxencia social para alimentación por atoparse no período de suspensión de 6 meses trar ser beneficiario 18 segundo o establecido na ordenanza. Solicitante: JAMB
912/2023	24-05-2023	Denegar a axuda de emerxencia social para subministración de auga e luz por non constituír unha situación axeitada ou non resolver de forma significativa a necesidade formulada. Solicitante: ADR
913/2023	25-05-2023	Conceder a axuda de emerxencia social para lentes correctoras por importe de 138 euros. Solicitante: JCMP
914/2023	25-05-2023	Denegar a axuda de emerxencia social para alimentación por non



CONCELLO DE
CAMBRE
R.E.L. 01150177

		constituír unha solución axeitada ou non resolver de forma significativa a necesidade formulada. Solicitante: DRVV
915/2023	25-05-2023	Convocatoria da sesión extraordinaria e urxente da Xunta de Goberno Local do día 26 de maio de 2023
916/2023	25-05-2023	Arquivar o expediente de orde de execución número 2022/1004/000052 por canto se constatou que se procedeu á realización dos traballos ordenados encontrándose a finca limpa de maleza
917/2023	25-05-2023	Recoñecemento de obrigas correspondentes a facturas con reparos da intervención por importe total de 12.370,82 euros
918/2023	25-05-2023	Aprobar a nómina do mes de maio de 2023 por un total de retribucións brutas de 425.267,11 euros
919/2023	25-05-2023	Efectuar o visado municipal da licenza de taxi número 10 para o ano 2023, solicitado polo seu titular JMRB, e anotar a tal efecto o citado visado no Rexistro de Títulos Habilitantes (aplicación Rtaxi) con efectos da data desta resolución
920/2023	25-05-2023	Efectuar o visado municipal da licenza de taxi número 2 para o ano 2023, solicitado polo seu titular PFR e anotar o citado visado no Rexistro de Títulos Habilitantes (aplicación Rtaxi) con efectos da data desta resolución

4.- ASUNTOS SOBREVIDOS

A continuación, a Presidencia, ao abeiro do establecido no artigo 133 do Regulamento orgánico municipal, manifesta que desexa someter a consideración da Xunta de Goberno Local en funcións o seguinte asunto:

- Proposta de director de obra, coordinador de seguridade e saúde e control de calidade da obra "Mellora da pista municipal do Temple".

O Sr. González Leirós intervén e manifesta a urxencia do asunto vén motivada pola necesidade de acelerar o comezo da execución da obra.

A Presidencia somete a votación ordinaria a urxencia do asunto anteriormente citado, e é aprobada por unanimidade dos/as Sres./as concelleiros/as asistentes á sesión.

- ÚNICO. PROPOSTA DE DIRECTOR DE OBRA, COORDINADOR DE SEGURIDADE E SAÚDE E CONTROL DE CALIDADE DA OBRA "MELLORA DA PISTA MUNICIPAL DO TEMPLE"

A Presidencia somete á aprobación da Xunta de Goberno Local en funcións, a proposta do concelleiro delegado da Área de Urbanismo e Obras de data 26 de maio de 2023 (CVD: rFR1mDmBAj+iPoBsasWA), que transcrita di:

"PROPOSTA Á XUNTA DE GOBERNO LOCAL

Con data 7 de abril de 2023 asinouse o contrato administrativo para a execución do "Servizo de redacción de

proxectos e direccións de obras da área de urbanismo e obras do Concello de Cambre, mediante procedemento aberto, con pluralidade de criterios de adxudicación (exp. 2021/C004/000004), entre *Consultora de Ingeniería, Medio Ambiente y Arquitectura, S.L.* (CIMARQ) e o Concello de Cambre.

Tendo en conta polo tanto, que *Consultora de Ingeniería, Medio Ambiente y Arquitectura, S.L.* podería levar a cabo a dirección da obra denominada "Mellora da pista municipal do Temple"..

Tendo en conta que o Concello de Cambre ten subscrito o contrato para a execución do servizo de coordinación de seguridade e saúde das obras promovidas polo Concello de Cambre mediante procedemento aberto simplificado, con pluralidade de criterios de adxudicación (exp. 2020/C004/000022) a favor de *Gallega de Coordinaciones, S.L.*,

Tendo en conta que o Concello de Cambre ten subscrito o contrato para a execución do Servizo de control de calidade das obras promovidas polo Concello de Cambre, mediante procedemento aberto simplificado, con pluralidade de criterios de adxudicación (exp. 2020/c004/000021) a favor de *3C Calidad y Control Sociedad Cooperativa Galega*,

Á vista do informe proposta emitido pola arquitecta técnica municipal, dona Susana Bahamonde López, con data do 25 de maio de 2023 (CVD: R8zrtwszo01tm4enQwfc), responsable dos contratos 2020/C004/000021, 2020/C004/000022 e 2022/C004/000004.

En uso das atribucións que me foron conferidas polo señor alcalde segundo a Resolución núm.1323/2019 do 1 de xullo, e tendo en conta a delegación de atribucións da Alcaldía a prol da Xunta Local efectuada mediante Resolución núm. 1324/2019, do 1 de xullo, propoño á Xunta de Goberno Local a adopción do seguinte **ACORDO**:

Primeiro: Designar a don Álvaro Vázquez Herrero, enxeñeiro de camiños, canles e portos, de *Consultora de Ingeniería, Medio Ambiente y Arquitectura, S.L.* (CIMARQ), para a dirección da obra denominada "Mellora da pista municipal de O Temple".

Segundo: Designar a *Gallega de Coordinaciones, S.L.*, para a coordinación de seguridade e saúde do proxecto de "Mellora da pista municipal de O Temple", e en concreto a don Francisco Jesús Cobas Fernández, enxeñeiro técnico industrial.

Terceiro: Designar a *3C Calidad y Control Sociedad Cooperativa Galega*, para o servizo de control de calidade do proxecto de "Mellora da pista municipal de O Temple"; en concreto a dona Ana M^a Romero Martínez, licenciada en Ciencias Químicas."

Non producíndose intervencións a Presidencia somete a votación ordinaria a proposta do concelleiro delegado da Área de Urbanismo e Obras de data 26 de maio de 2023 (CVD: rFR1mDmBAj+iPoBsasWA), resultando aprobada por unanimidade dos/as Sres./as concelleiros/as asistentes á sesión, polo que devén en acordo nos termos anteriormente expostos.

5.- ROGOS E PREGUNTAS

Non se formula ningún/ningunha.



CONCELLO DE
CAMBRE
R.E.L.01150177

E non existindo máis asuntos dos que tratar, a Presidencia levanta a sesión, sendo as nove horas e cinco minutos do mencionado día, estendéndose para a debida constancia a presente acta, do que eu, secretaria xeral, dou fe.

Visto e prace

O presidente en funcións

Óscar A. Garcia Patiño

A secretaria xeral

Pilar María Pastor Novo